



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorum Omnium Generalium Et Provincialium Collectio Regia**

Ab anno DCCCLXXII. ad annum DCCCCIX.

**Parisiis, 1644**

XV. Epilogus ad episcopos, & generaliter ad omnes.

**urn:nbn:de:hbz:466:1-15967**

ANNO  
CHRISTI  
909.  
moris antiqui hoc tantum adiicimus, vt si quis sacerdo-  
tum, secundum statuta Valentini Concilii, ad humana  
decidentis episcopi membra venire commonitus pigras  
voluntate distulerit, appellantibus clericis obeuntis epi-  
scopi apud Synodum, siue apud metropolitanum episco-  
pum, tempore anni vnius nec faciendi Missam, nec com-  
municandi habeat omnino licentiam. Presbyteri autem,  
siue ceteri clerici, quibus maior honoris locus apud eam-  
dem ecclesiam fuerit, cuius sacerdos obierit, si solicitudi-  
ne pro exequiis aut iam mortui, aut continuo antistitis mo-  
rituri, ad commonendum tardi inueniantur, aut per quam-  
cumque molestiam animi id negligere comprobentur, to-  
tius anni spatio ad poenitentiam in monasteriis deputen-  
tur. Ergo cum de exequiis episcopi decedentis talis habeat  
ur patrum constitutio, non ab re tamen ducimus, & nunc  
omnibus notum fieri, quatenus nullus audeat tantum sce-  
lus perpetrare sacrilegii, & quod nefas est, legesque pro-  
hibent alicui specialiter homini fieri, hoc nemo præsumat  
sanctæ matris ecclesiæ villo modo facere. Et quoniam in qui-  
busdam opportunitas locorum se offert, vt ad obitum, vel  
exequias alicuius ex nobis, duo vel tres episcopi conueni-  
re possint, & vestræ amabili in Christo fraternitatii ita pla-  
citum esse dignoscitur, decet vt sancta caritas se ostendat  
in mortuorum funeribus, quæ in viuorum flagrauit peccato-  
ribus. Sane quia innotuit nobis sancta sedes apostolica, ad-  
huc errores blasphemiasque cuiusdam vigere Photii in  
partibus orientis in Spiritum sanctum, quod non a Filio,  
nisi a Patre tantum procedat blasphemantis, hortamur ve-  
stram fraternitatem vna tecum, vt secundum admoni-  
tionem domini Romanæ sedis, singuli nostrum, perspe-  
ctis patrum catholicorum sententiis, de diuinæ scripturæ  
pharetris acutas proferamus sagittas potentis, ad confo-  
diendam beluam monstri renascentis, & ad conterendum  
caput nequissimi serpentis.

## XV.

His ita prælibatis, nunc omnes generaliter alloquamur,  
qui iuste & pie volunt viuere in communione sanctæ ec-  
clesiæ catholicæ, quæ est vnum corpus Christi, cui vnum est  
Dominus, vna fides, vnum baptisma. Quæ cum generali-  
ter ab ipso suo capite Christo super petram, id est, super

ANNO  
CHRISTI  
909.

confessionem Petri sit ædificata, manifestum tamen est, in omnem Italiam, Gallias, & Hispaniam, nullum instituisse ecclesias, nisi eos quos venerabilis Petrus, aut eius successores constituerunt sacerdotes. Et quoniam ecclesia in nostris quoque partibus, ut dictum est, super hanc petræ soliditatem non tantum fundata, sed ab eo eiusque est successoribus etiam edocta, cum Dei gratia, ipsius B. Petri suffragantibus meritis, firmitatem fidei, quam primo percepit, haec tenus inconcussam seruare studuit, nullaque perfidorum consortia recepit. At vero quia multi fide tantum Christiani sunt, opere vero a Christiana doctrina dissentiant, & attestante Iacobo apostolo didicimus, fidem non solum otiosam, sed etiam esse mortuam sine operibus, ait enim; *Quid proderit, fratres mei, si fidem quis dicat se habere, <sup>Iac. 2.</sup> opera autem non habet? numquid poterit fides saluare eum?* Et beatus Hieronymus: *Quid proderit, si impie agens Deum voce inuocas, quem operibus negas?* Sanctus quoque papa Gregorius: *Quid prodest, si Redemptori nostro per fidem iungamur, si ab eo moribus disiungamur?* Itaque ille vere credit, qui exercet opere quod credit. Magnopere fatagendum est, ut qui fideles esse dicuntur, si cum fidei Abraham benedici cupiunt, qui non tantum ex fide, sed ex operibus iustificari meruit, beate viuere studeant. Ille enim, ut sanctus ait Hieronymus, beatus est, qui & recte credendo bene viuit, & bene viuendo fidem retam custodit. Sed heu, proh dolor! nostris, nostrorumque comministrorum, & qui iam discesserunt, & qui adhuc supersunt, tam incuria, quam inscientia, perdit iutiis multi, & pene innumerabiles adhuc inueniuntur in plebe ecclastica, cuiuscumque sexus, & aetatis, pariter & conditionis, qui ad usque sua temporis euentus necdum, ut debuerant, perceperent fidei notitiam simplicis, usque adeo ut nec ipsius symboli verba salutaris, nec saltem supplicationem dominicæ nouerint orationis. Hi vero tales, etsi aliquid videantur habere bona conuersationis, quomodo sine fidei fundamento ædificium construerent boni operis? Et ad hæc quid excusationis prætendere possumus, dum tales a corpore exeentes, non ad vitam, quam non nouerunt, sed ad mortem rapiuntur aternam, quam euadere sine fide, ex qua iustus viuere creditur, minime potuerunt? Nos

Concil. Tom. 24.

Fffff ij

ergo, vt beatus ait Gregorius, pereunte populo auctores  
mortis existimus, cum duces esse ad vitam debuimus. Ex

ANNO  
CHRISTI  
909.

nostro enim peccato populi turba prostrata est, quia faciente nostra negligentia ad vitam erudita non est. Quam terribilem nimis, imminentemque nobis & ipsis damnationem, & per nos, & per secundi ordinis confacerdotes, omnimodis euadere conemur, erudientes assidue commissos nobis, & fidei verbis, & bonorum operum exemplis: vt in omnibus exhibeamus nosmetipso sicut Dei ministros, vt non vituperetur ministerium nostrum. ne de nobis dicatur: *Sacerdotes ignorauerunt scientiam.* & item: *Sacerdotes non dixerunt ubi est Dominus, & tenentes legem necsierunt me.* & ne illam incurramus offendam, quam Heli sacerdos incurrisse dignoscitur eo quod filios suos indigne agentes non digne corripuit.

Ier. 2.

1. Reg. 4.

*Generaliter omnibus.* Ergo primo omnium collocet si-  
bi vnuſquisque Christianus, qui aliter Christianus vere  
dici & esse non potest, fundamentum Christianæ religio-  
nis, id est, fidem catholicam, vt credat in Patrem & Fi-  
lium & Spiritum sanctum, vnum & verum Deum, trinum  
in personis, vnum in substantia. Credat nihil minus, quod  
sola persona Filii pro salute nostra carnem assumpsit, in  
qua passus est: & resurrexit, & in cælos ascendit, cum qua  
etiam ad iudicium venturus est. Credat & in Spiritum san-  
ctum, & quod in baptismate per eum tribuatur omnium  
remifio peccatorum: & quod eius dono in ecclesia Chri-  
sti per penitentiam, & per sacerdotale ministerium, incun-  
ctanter peccatorum detur indulgentia. Credat quoque  
veraciter in vera carne futuram in aduentu Christi resur-  
rectionem omnium. Hoc veræ fidei fundamentum bonis  
necessè est exornetur operibus, quia sicut sine fide impos-  
sibile est placere Deo, ita & fides perfecta esse non valet,  
nisi per dilectionem operetur: insuper si non habeat opera,  
mortua est in semetipsa. Exornetur ergo sancta fides, vt ve-  
ra & fructuosa sit, spe, caritate, humilitate, castitate, con-  
tinentia, sobrietate, vnanimitate, concordia, iustitia, mi-  
sericordia, innocētia, & simplicitate, & ceteris his similibus  
quæ in dilectione Dei consistunt, & proximi. Videat vnuſ-  
quisque, ne eius decorē diuersis commaculet flagitiis. Inter  
quæ maxime hæc cauenda peruidemus, & quanto occul-

ANNO  
CHRISTI  
909. riora, tanto periculosiora esse pro certo scimus. Superbiā scilicet, quæ & de angelo diabolum facere, & de cælo nouit præcipitare. Inuidiam, a diabolo inuentam ad deiiciendum de paradiso hominem, & ad mortem in orbem terrarum introducendam. Odium & discordiam, prædictorum criminum sequaces, sed non minus perniciosos, quia matrem omnium virtutum caritatem expellunt, & illa fugata, omnia simul, si qua fuerint, bona opera peruerunt. Hæc igitur principaliter a fidelium cordibus sunt extirpanda, & cum his, ea quæ superius partim denotando perstrinximus, penitus abominanda. Similiter & illa, quæ quasi naturaliter in vsu habentur, sicut sunt ebrietates, comedationes, contentiones, detractiones, & inimicitiae, & his similia, quæ iuxta Apostolum homines a regno Dei excludunt: *Quoniam*, inquit, *qui talia Gal. 5. agunt, regnum Dei non consequentur.* Simili modo & illa cohinda omnimodis, quæ contra ius humanæ societatis, sicuti sunt furta, & iam superius dictæ execrables rapinæ, calumniæ, oppressiones, inuasiones, quæ prius reddenda, postea sunt pœnitentiæ remedio corrigenda. Inhibemus quoque modis omnibus, cum ingenti protestatione, pestillem lucri rabiem, vsurarum scilicet adiumentionem, quam non minus clerici sectantur, quam laici dominici immemores præcepti, quo dicitur: *Pecuniam tuam non datam ad usuram.* & iterum: *Non accipies a fratre tuo usuram, nec amplius quam dedisti.* Exstant & alia diuersorum criminum mala, quæ improbat & condemnat lex diuina, pro quibus populus vastitate, & gladio, fame & pestilentia atteritur, & ecclesiæ status infirmatur, regnumque periclitatur: ut sunt nefandissimæ cum masculis aut pecoribus pollutiones pro quibus dulcis & benignus Deus noster ad amaritudinem iracundiæ tanto grauius prouocatur, quanto contra naturam fieri comprobantur: & ut sunt illa, quæ ex Paganorum ritu adhuc supereesse videntur, scilicet magica, sortes, phylacteria, beneficia, diuinationes, somniorum coniectiones: quæ omnia puniri iubet lex diuina, quia manifestissime in talibus seruitus est diabolica. De quibus in Concilio Ancyrano titulo xxiii. ita scriptum est: *Qui diuinationes expetunt, & morem Gentilium subsequuntur, aut in domos suas huiuscemodi homines introducunt, exqui-*

*Concil. Tom. 24.*

Fffff iij

rendi aliquid arte malefica , aut expiandi causa , sub regula  
quinquennii iaceant , secundum gradus poenitentiae defi-  
nitos . Similiter vnuſquisque Christianus caueat & ab his ,  
quaे videntur quidem leuia , sed contra diuina fiunt man-  
data , a scurrilitate & stultiloquio , a fabulis otiosis , turpi-  
busque & obscoenis sermocinationibus . Hæc nempe pluri-  
mi non solum in domibus & conuiuiis suis loquuntur , &  
libenter audiunt : sed etiam , ad prouocandum Deum ad  
iracundiam , in basilicis illi & sanctis eiusconsecratis , abſ-  
que respectu timoris alicuius , irreuerenter his vacare non  
desistunt . Seruetur sane cultus honor , & reuerentia domi-  
ni diei , & sanctorum solennitatum . Ieiinium quoque tam  
indictum , quam etiam quatuor temporum . Cessent men-  
dacia periculosa & noxia , quaे affidue nimis fiunt . Juramen-  
ta , maledicta , turpia nec non cantica , & cetera his similia ,  
quaे longum quidem est enumerare , sed pernecessarium  
cito corrigere . Considerantes igitur , nos omnium ope-  
rum & sermonum , insuper & cogitationum , reddituros  
esse rationem ei qui venturus est in maiestate terribili red-  
dere vnicuique secundum quod gessit , siue bonum siue  
malum , & peccata siue parua siue magna non posse impun-  
ita esse : ad flagella quoque , quaे pro eisdem iam nunc iu-  
ste , grauia quidem , sed minora quam meremur , patimur ,  
non insensibiles , non incorrigibiles , non murmurantes ,  
manum eius ad ferendum extentam , quam ne percu-  
ret anticipare negleximus , dum adhuc paterna pietate  
sicut filii verberamur , saltem ne vsque ad internectionem ,  
ne vsque ad animam feriat , mitigare celeri conuersione &  
condigna satisfactione curemus . ne sicut mali serui , & in  
præsenti districta animaduersione feriamur , & ad seueriora  
in futuro supplicia pertrahamur . Dum adhuc vacat ,  
dum adhuc qui offensus peccata nostra propter pœnitentiam  
dissimulat , & vt ab eius seueritate ad illius bonitatem  
reuertamur blandimentis & minis clamat , non obdure-  
mus corda nostra , sicut haec tenus patres nostri & nos egi-  
mus . Peccauimus enim cum patribus nostris , iniuste egi-  
mus , iniquitatem fecimus . Iam nunc ergo reuersi ad con-  
scientias nostras , & mala quaे gessimus diiudicantes , pura  
& vera confessione confiteamur Domino , quoniam bo-  
nus , quoniam in sæculum misericordia eius . Procidamus

ANNO  
CHRISTI  
909.

ANNO CHRISTI 909 & ploremus ante Dominum, qui fecit nos, quia ipse est Dominus Deus noster, quia benignus & misericors est, præstabilis super malitia, qui non vult mortem peccatoris, sed ut conuertatur & viuat. Si igitur ex toto corde conuersi ad Deum, veram pœnitentiam, fructusque pœnitentiae dignos fecerimus, crebris & sanctis instantes ieiuniis, vigiliis castis, illique bene complacitis, & orationibus falso lacrymarum imbre perfusis, cum eleemosynis iustis, ceterisque misericordiæ & caritatis operibus, atque profiteamur nos ad pristina impietatum nostrarum scelerarum nunquam redituros, iuuante eius gratia, sine quo nihil possumus: si in ipsis perseverauerimus, satisfacientes Deo & ecclesiæ de præteritis peccatis per pœnitentiæ dolorem, per humilitatis gemitum, & per contriti cordis sacrificium, cito eius, qui cor contritum & humiliatum non spernit, & cui proprium est misereri semper & parcere, misericordiam consequemur. Cito dicimus, quia apud benignum Deum non tam valet mensura temporis, quam doloris. Ipse enim per prophetam loquitur dicens: *Cum Eze.33. conuersus ingemueris, saluus eris.* itemque: *Impietas impii non nocebit ei, in quacumque die conuersus fuerit ab impietate sua.* Cum ergo tanta sit benignitas Domini Dei nostri, non negligamus, non differamus, non tardemus conuerti ad ipsum, sed sicut nos hortatur sanctus Paulus apostolus, *adeamus cum fiducia ad thronum gratiæ eius, ut misericordiam Hbr.4. consequamur, & gratiam inueniamus in auxilio opportuno,* per Iesum Christum Dominum nostrum, cui est cum coæterno Patre & Spiritu sancto virtus & gloria in sæcula sæculorum. Amen.

#### SVBSCRIPTIONES EPISCOPORVM.

Heriueus Rhemorum archiepiscopus his edictis annuens subscripsit.

Vuito Rothomagensium episcopus subscripsit.

Rodulfus Laudunensis præfus subscripsit.

Erluinus Beluacensem episcopus subscripsit.

Raubertus Nouiomagorum episcopus subscripsit.

Letoldus Catalaunicus episcopus subscripsit.

Abbo Suefforum episcopus subscripsit.

Stephanus Cameracensis episcopus subscripsit.

Hucbertus Meldensis ecclesiæ episcopus subscripsit.

Fffff iiiij